

## Transkription von Urkunde HGW 1450a

Ort, Datierung: Greifswald, 1450-01-30

Signatur: Stadtarchiv Hansestadt Stralsund, StU 1125 [\[online\]](#)

Inhalt: Kämmerer Hans Erik: Bestätigung einer Zahlungsforderung

---

Vor allen erebaren an Cristo Louighen Luden Myt sundercheyt vor Juw erwerdyghen vor/sichtighen manne(n) vnde he(re)n kemere(re)n der Stad St(ra)lessund(e) Bekenne wij be[ ... ]lo / seghebrecht vnde hans Erik kemere(re) der Stad Gripeswolde dat vor vns is ghewest / peter wüste borg(er) to g(ri)peswold(e) mit rechte ansprekende ene(n) [benomet] Clawes Letzow / v(m)me dree m(a)rk sundesch vnde vii s(undes)ch reddeliker schült de hee vor vns openbar bok(an)/de dar wy em na busp(ra)ke vp dēlden na siner bokantnisse botalinghe em to dūnde vppe / sunte michel alze nu was neghest vorghangh(e)n dat hee ok a(n)namede also to holdende / des to ener tuchnisse(n) der warheyt ys der Stad g(ri)peswold(e) secret to rugghe drucket / vppe dessen breff de gheue(n) vnde screue(n) is na der bort . Chr(isti) vnses he(re)n Mo cccco Jar / dar na in deme L ten Jare am vrighdaghe vor vnser leue(n) vrouwe(n) daghe Lichtmissen